



Broj: 0101-8398-12/17

Sarajevo, 06. 06. 2018. godine

Na osnovu člana 72. stav (3) tačka f) Zakona o javnim nabavkama Bosne i Hercegovine ("Službeni glasnik BiH" broj: 39/14), u otvorenom postupku javne nabavke robe: **KOMPJUTERSKA OPREMA**, na preporuku Komisije za provođenje postupka zajedničke javne nabavke broj: 0101-8398-11/17 od 05. 06. 2018. godine, rektor Univerziteta u Sarajevu je donio

ODLUKU o dodjeli ugovora drugorangiranom ponuđaču

Član 1.

Poništava se Odluka o izboru najpovoljnijeg ponuđača i dodjeli ugovora broj: 0101-8398-9/17 od 11. 04. 2018. godine, kojom se ugovor o javnoj nabavci robe-KOMPJUTERSKA OPREMA, dodijelio ponuđaču ASPO RAIL d.o.o. Alipašina 53, Sarajevo.

Član 2.

Prihvata se preporuka Komisije za javnu nabavku broj: 0101-8398-11/17 od 05. 06. 2018. godine i ugovor o javnoj nabavci robe-KOMPJUTERSKA OPREMA, **dodjeljuje drugorangiranom ponuđaču IMEL d.o.o. Skendera Kulenovića bb, Lukavac, čija ukupna cijena ponude iznosi:**

42.450,00 KM

(slovima: četrdesetdvijehiljadečetiristotinepedesetKM i 00/100), iz razloga što je u otvorenom postupku, ponuda navedenog ponuđača po rang listi odmah nakon ponude najuspješnijeg ponuđača ASPO RAIL d.o.o. Alipašina 53, Sarajevo.

Član 3.

Drugorangirani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 4.

Ova Odluka će se objaviti na web stranici Univerziteta u Sarajevu www.unsa.ba (Javne nabavke).

Član 5.

Ova odluka stupa na snagu danom donošenja.

Obrazloženje

Na osnovu Odluke o pokretanju javne nabavke broj: 0101-8398-1/17 od 26. 12. 2017. godine Univerzitet u Sarajevu je proveo **otvoreni postupak** javne nabavke robe: **KOMPJUTERSKA OPREMA** (Obavještenje o nabavci broj: 9991-1-28-3-14/18/17 objavljeno na Portalu javnih nabavki dana 05. 03. 2018. godine) za potrebe Univerziteta u Sarajevu – projekat BESTSDI. Komisija za provođenje postupka zajedničke javne nabavke je izvršila rangiranje prihvatljivih ponuda ponuđača, koji su blagovremeno dostavili ponude, prema kriteriju najniža cijena

tehnički zadovoljavajuće ponude, na slijedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	IMEL do.o. S.Kulenović bb, 75300 Lukavac	0,00 KM	47.560,00 KM bez PDV-a 0,00 KM = PDV 47.560,00 KM sa PDV-om
1.	ASPO RAIL d. o. o. Alipašina 53, 71000 Sarajevo	0,00 KM	47.435,00 KM bez PDV-a 0,00 KM = PDV 47.435,00 KM sa PDV-om

Iz Izvještaja o toku i završetku e-aukcije se vidi da je aukcija kvalificiranih ponuđača započela dana 05. 04. 2018. godine u 14:35:00 sati, te je uspješno okončana 05. 04. 2018. godine u 15:39:00 sati.

Iz izvještaja o toku i završetku e-aukcije se vidi konačna rang lista ponuđača koji su učestvovali u e-aukciji:

R.br.	Naziv ponuđača	IDB/JIB	Konačna cijena KM bez PDV-a	Rang
1.	ASPO RAIL d.o.o. Alipašina 53, 71000 Sarajevo	4202124540000	42.400,00	1
	IMEL doo. S.Kulenović bb, 75300 Lukavac	4209310270009	42.450,00	2

Na preporuku Komisije za javnu nabavku broj: 0101-8398-8/17, a nakon provedene e-aukcije dana 05. 04. 2018. godine, donesena je 11. 04. 2018. godine Odluka broj: 0101-8398-9/17 godine o izboru najpovoljnijeg ponuđača i dodjeli ugovora ponuđaču ASPO RAIL d.o.o. Sarajevo, Alipašina 53, za nabavku robe KOMPJUTERSKA OPREMA.

Dana 13. 04. 2018. godine, navedena Odluka o izboru najpovoljnijeg ponuđača i dodjeli ugovora ponuđaču ASPO RAIL d.o.o. Sarajevo, Alipašina 53, upućena je poštom svim ponuđačima koji su blagovremeno dostavili ponude u predmetnom postupku, uz obezbjeđenje dokaza o prijemu odluke.

U Zapisniku o prijemu dokumentacije broj: 0101-8398-9-1/17 od 22. 04. 2018. godine Komisija za provođenje postupka zajedničke javne nabavke je utvrdila da je ponuđač ASPO RAIL d.o.o. dostavio sve dokaze o kvalificiranosti, koji su traženi tačkom 13.1. i 13.3. Tenderske dokumentacije.

Po isteku žalbenog roka, s obzirom da nije bilo žalbe, ponuđaču ASPO RAIL d. o. o. Alipašina 53, Sarajevo dostavljena su 4 (četiri) primjerka ugovora na potpis.

Uvidom u knjigu Djelovodnog protokola Univerziteta u Sarajevu, utvrđeno je da je ponuđač ASPO RAIL d.o.o. Alipašina 53, Sarajevo, dana 31. 05. 2018. godine dostavio dopis, na kojem je otisnut prijemni štambilj Univerziteta u Sarajevu broj: 0105-3493/17.

Ponuđač ASPO RAIL d.o.o. Alipašina 53, Sarajevo je u navedenom dopisu naveo da vraća nepotpisane ugovore i da obavještava Univerzitet u Sarajevu jer nije u mogućnosti da potpiše iste i izvrši isporuku ponuđene opreme iz razloga što je njihov dobavljač povukao svoju ponudu, jer nije u mogućnosti isporučiti tehnički zadovoljavajuće AIO računare u predviđenom roku..

Ponuda drugorangiranog ponuđača IMEL d.o.o. S.Kulenović bb, Lukavac iznosi 42.450,00 KM bez PDV-a, što je u okviru budžeta za ovu namjenu.

Imajući u vidu sve navedeno Komisija za javne nabavke predlaže da se predmetni postupak javne nabavke okonča donošenjem odluke o dodjeli ugovora drugorangiranom ponuđaču, a sve u cilju uspješnog okončanja postupka i uspješne realizacije projekta.

Uzimajući u obzir navedeno činjenično stanje, Komisija za provođenje postupka zajedničke javne nabavke je dala rektoru Univerziteta u Sarajevu preporuku:

1. da donese odluku o poništavanju Odluke o izboru najpovoljnijeg ponuđača i dodjeli ugovora broj: 0101-8398-9/17 od 11 .04. 2018. godine, kojom se ugovor o javnoj nabavci robe-KOMPJUTERSKA OPREMA, dodijelio ponuđaču ASPO RAIL d.o.o. Alipašina 53, Sarajevo.
2. da u skladu sa članom 72. stav (3) tačka f) Zakona o javnim nabavkama Bosne i Hercegovine donese Odluku o dodjeli ugovora o javnoj nabavci robe-KOMPJUTERSKA OPREMA, drugorangiranom ponuđaču IMEL d.o.o. S.Kulenović bb, Lukavac.

Iz gore navedenih razloga, u skladu sa članom 72. stav 3. tačka f) Zakona o javnim nabavkama BiH, prihvaćena je preporuka Komisije za javnu nabavku broj: 0101-7662-12-LOT 1./17 od 28. 04. 2017. godine, te je odlučeno kao u članu 1. i 2. ove Odluke.

Rektor

Prof. dr. Rifat Škrijelj



Dostaviti:

1. IMEL d.o.o. Skendera Kulenovića bb, 75 300 Lukavac
2. Prorektor za finansije
3. Generalni sekretar
4. Izvršni direktor
5. Rukovodilac Službe za računovodstvo i finansije UNSA
6. u evidenciju javnih nabavki
7. web stranica UNSA
8. a/a

Prilog: Zapisnik o evidentiranju odbijanja zaključenja ugovora